

摘藻堂四庫全書薈要

集部

欽定四庫全書薈要

集部

御製詩初集卷二十五

六

詳校官原任編修臣徐立綱



欽定四庫全書薈要卷一萬三千二百九十八

集部

御製詩初集卷二十五

古今體一百四首

乙丑二

題周鯤山水八幀

仙山樓閣

白雲誰不羨仙鄉
火棗金芝底易嘗
借問地行何姓氏
丹臺曾注杜蘭香

赤壁載月

丹楓白葦武昌秋
汴月橫江獨泛舟
千載畫圖猶想見
果然玉局足風流

夕陽牧遂

罷喘吳牛卧石砭
牧兒命侶自成雙
無腔橫遂蕭閒甚
不見村中有吠尨

風雨歸舟

米家山色常如濕
生得溪雲送雨過
為想扁舟迴棹客
蓑衣重比去時多

柳塘煙靄

新柳絲絲嫩
裊風前溪幾曲
後溪通煙邨
水郭絕勝處
不是吳中定越中

楓溪寒渡

秋汀策蹇或
褰衣淅淅寒流已
病腓設以今時論
昔日濟人子
產已應稀

秋江漁樂

蘆荻蕭蕭暮靄齊
烹鮮舉濁醉如泥
此中倘有伊人在

莫駕扁舟過別溪

雪窓清課

不變蒼松已放梅
雪窓書史共徘徊
越僮擁帚休頻掃
一任門前訪戴來

雨中過順義縣

曉看春雲膩驅車冀野行
忽霑垂柳色似聽滴桐聲
釋矣懷人感時哉望歲情
披蓑荷鋤者相率事深耕

春寒雨作雪春暖雪為雨
前日與今朝佳景隨時覩
密

雲失遠峯新溜添曲渚淅淅復濛濛極目迷空所
歷歷綠塍鱗來牟色倍新榆煙低處潤村靄澹初勻鳥
噪驚簷瀑人欣浥路塵無花良亦可不是為尋春

夜雨

徹夜一犁雨知時二月中潤添蘇脉壠響送隔窓風似
覺聞馨黍無須薦瑞瓏含思抽乙乙作勢想濛濛被遠
心何極祈年慰不窮宵衣賦雲漢昨歲憶憂沖

御園春晚

雨後輕煙蕩林表風暄日麗光春晚繁禽啼蕊未昌昌
洞房曲院殊窈窕今年人度去年春今歲春無去歲人
鏡花水月皆常住三萬六千只剎塵剎塵常住春風裏
昔人今日嗟何似誰家舞袖裊春長何處歌聲逐風起
春歌春舞由人戀昔日今人會相見試看逸少挈壺觴
永和三日蘭亭宴

今年節令頗寒二月晦日花尚未開因而有作
九十春光六十過花邊問節柳邊哦不妨麗景遲時耳

其奈閒愁觸緒何
鱗戢銀塘紅漾錦
鶴行芳草綠生波
臨池最喜顛翁句
老習奴書不玩鶯

即事

芳草輕茸綠映袍
宜人春色入吟毫
却欣曲岸剛眠柳
無那東風例妬桃
偶摘新花供梵網
懶聽別殿按雲璈
宵衣稍釋眉頭感
時雨均霑脉起膏

桃

雨後園林漾晚霞
綠窓紗映絳枝斜
信風廿四休誇巧

管領春光在此花

芳姿綽約盼清明
比似寒梅越艷生
又是一年春好處
東風人面若為情

品題風物想韓詩
草木無情也有知
應妬月明人見李
檀心開處每先時

不語依依露井芳
眼參真色鼻參香
遊蜂亂蝶有餘樂
明月清風無盡藏

清明郊行

暖日輕煙百六辰水村山郭淨無塵柳遮遊騎新垂幕
草待飛觴軟疊茵嫩綠如油旋撩眼落紅成陣已傷神
依稀景物錢塘畔十里長堤碾畫輪

春日瀛臺卽事

雲釀疑蒸雨花遲似駐春莫嫌時寂寞已覺景鮮新蝶
翅紅芳底鷗眠綠水濱舞雩曾點意憶昔一閒身
佳節含韶富閒愁觸緒多也知春可樂常奈悶中過逐
景聊復爾看花似若何維摩無說說身不著曼陀

豐澤園演耕藉禮

撫時維盎鬯覲土已滋融舉趾良辰合習儀舊制同嘉
生分稔黍公畝正南東祇盼盈疇綠何心夾岸紅率先
循

聖教懷永切微衷念彼服田者艱哉一歲中溺飢常在
抱勤勤敢辭躬寤寐無他願祈

天綏我豐

泛舟太液池作

躍有潛魚飛有鳶輕舟平渡綠楊煙薰馨花事誠何似
荏苒春光亦已然適去古人不知幾盼來韶景又須憐
玉壺澄澈無些滓却契天親鏡喻禪

張鵬翀給假回南進詩紀恩因用其韻詩以賜
之

煙花遲節令三月仲春如詩句天公賦歸帆風力舒門
無新署鳳家有舊藏書香案需供奉休耽五柳居

養心殿杏花

清曉光風拂玉墀絳雲香雪暎窓枝無端春暮相看際
正是年來共賞時脉脉難傳徒畫筆盈盈不盡是芳思
榮枯悟得皆常住誰藉傳真谷與熙

春季經筵

琴麗翠鸞臨文華廣殿深三春開講幄兩序列朝簪立

政思民瘼存誠勵口箴

是日講論語子路問政章易經修辭立其誠句

宣云循

典故藉以澡身心黼座風颺德霞天旭散陰咨詢交泰
陛揖讓萃儒林道岸緊常企文淵或可尋研精憶良弼

孰與下砭鍼

大學士鄂爾泰侍講幄有
年今以病不與故及之

聞河南山東得雨識喜

齊鄭麥為秋所需三月雨向接方伯奏東郊趾待舉晨
夙望南雲默禱心怛怛油然亦屢作霈兮方延佇不遲
數日間郵傳遞佳語既欣一犁深更幸兩州普豈惟滋
來牟兼可播稔黍眉舒有餘望心沃無繁苦繫余德涼
薄誠格敢自詡祇此省歲心綏豐願海宇去冬三白兆
春霖潤膏土皇州景色佳花柳紛煙墅寮近而略遐此

戒銘心所憶昔扶風守所慮百里許彼喜尚艱致我喜
豈易覩

折花

怪底蜂衙鬧錦叢曲欄春事已怱怱朝來縱不呼僮折
也會隨風作亂紅

夜雨

春雲向晚濃春雨灑銅龍花色思湔錦簷聲似聞鐘度
紗窓浙浙飄玉宇零零枉渚白波漲閒堦綠草茸時哉

憂稍釋惕若意彌恭齊鄭知霑澤尤蘄遍九封

春來畿輔時雨

頻霑近日山東河南亦奏報得雨

耕藉日有作

每每錦壤潤含膏廼藉傳宣戶禮曹百物由來惟穀寶
四民端的是農勞青箱播種春泥活黃繖觀耕瑞旭高
愛聽禾詞三十六絕勝法曲奏雲璈

季春御園三首

誰道春光最可憐如斯明媚會年年禽音仍唱迦陵偈

花色全標幻海禪嫩綠池塘新雨後軟紅欄榭晚風前
芳園遲賞非辜負無那牽情倍惘然

晝長人靜讀書樓座有蘭芬古興謀佳景環中惟自會
韶光戶外倩誰收營巢得意梁頭燕命侶忘機水上鷗
出岫白雲歸亦得也無歡喜也無愁

邇來景物太昌昌小坐參春幻與常生厭流鶯出幽谷
死憐倦蝶抱殘芳遊絲著樹頻思綰落瓣成泥尚有香
我代春光還問客惜春端的是誰忙

春泉

春泉出乳竇力弱流涓涓散為噍殺琴澄為甕井天
彼石澗底鼯鼠腹豈便微澤尚其中安滋萬頃田老農
事桔槔手足疲轉旋溝澮乏活流望雲眼空懸旦晚時
雨零萬彙呈新鮮一犁潤且溥奚論東西阡泉膏無所
需而彼方淙然漲添鏡面池飽飲驚與鳶不惟浮楊葉
其力乃載船利物在適用違時何藉焉我願為政者勤
求濟世權

即事

雨過遙山逗晚涼
青螺潤逼讀書堂
風花帶韻辭芳榦
春燕含情上畫梁
簾捲綠新屏几靜
水漂紅碎蝶蜂忙
刺舟更度連雲壁
何異達摩一葦杭

春暮討源書屋

杏牖延虛朗松軒與靜偕
發生資橐籥消息悟根荑
錯錦紅圍岸鋪茵綠到階
春光如有待安得置吟懷
會心不在遠得句豈須多
小閣凝神坐平橋步屨過水

邊新柳線雨後遠山螺比似江南景詩人道若何
寄興煙霞外遊神竹素園研精因得趣契理亦忘言鷗
狎心無競鹿馴手可捫桃花林夾路此是武陵源

畫梅

貌得梅花淨絕塵藝林都說畫梅人不逢梅樹人誰仿
還是寒梅自寫真

春行遇雨

依遲東郭尋春去倏忽西山送雨來綠野潤含知麥好

錦隄塵淨見花開

紅情綠意一時新
步屨方知信有春
却為閒愁對春嬾
擬拋吟興悟根塵

雨來山色渾如失
雨過溪光乍覺澄
最是三春絕勝處
花香鳥語總相應

漁蓑樵笠鎮逢迎
彷彿江鄉畫裏行
不倩東風吹雨去
美田明曉試春耕

御園躬耕

今日勅幾暇三春舉趾時無心問花柳著意事耕耜農
要於焉勸民勞尚克知昨朝靈雨降沃土總含滋
甸者告時哉扶犁往復迴幾經勞第治爭似闢汙萊玉
食奚堪恃鳩形實可哀祈年終始意此際重低徊

泛舟過北遠山村

放眼山村水郭間輕帆聊趁片時閒春闌曲岸霏紅雪
雨歇遙岑濯綠鬟蓑笠農人浸種去鈎筐婦女採桑還
苾芻消得無憂喜一卷楞伽獨掩關

董邦達山水八幀

雲生礪戶封江瀉天門斷壺中日月長世外塵囂判懸
崖策杖人寄興在霄漢

霜葉丹以黃高低鏤層岫熠煜霞光暎颯沓風聲逗妙
哉浣花句過雲開錦繡

枯棘與疎篁蕭然文石旁比聖合夷惠論體追倪黃我
欲步其側滌慮餐煙光

江城春事佳湖山幽且淨行披罨畫幅坐弄澄泓鏡腰

笏引舟人疑是益昌令

峭壁環崿來往多奔雲幽籟拂澗過一川丹翠紛左
招玉局翁泛此黃州漬

秋迴落霞天霜澈維舟浦菊華點黃金楓葉紛紅雨
予步苔磴念結幽棲所

夾鏡雙湖碧列障四山青一笠構其間無乃快哉亭既
遠恰宜視始靜誠堪聽

秦鶴偶放去復喚意如何毋寧適煙霞詎肯遭網羅明

月清風我功名富貴他

暮春靜明園雜咏

風物欣和暢林泉果靜明
觀山常住體樂水太初聲
飛躍天機適琴書道趣生
西巖聊縱目綠野事深耕

芳歇思春老陰濃報夏前
水清魚不餌松靜鶴常眠
瀟灑因餘暇殷憂憶去年

去年此際
望雨正殷

南華人盡讀誰與悟

蹄筌

梯雲登峻閣披樹俯青皋
粼逕憎繁絮隨波惜敗桃
佩

文依竹素得句應松濤咫尺會心處然疑濮與濠

題慎郡王山水即用其韻

好山欲斷雲與連見在天成古寺邊今日坐叅相應處
底須蠟屐破蘿煙

想是白蓮社裏迴裙腰綠潤步蒼苔柴扉半掩雙桐靜
畢竟應叅孰去來

三月晦日作

紅稀綠暗鎮相催赤帝傳宣整轡來九十縱無一日曠

今年三春月俱有晦日故云
修蛇赴壑豈能迴

溪邊亂錦全殷水柳外遊絲正網天
願我無心惜春去
儘教莊蝶夢花前

乍聽高枝報栗留
綺疏日影向花流
三春光景人人度
試問曾消片刻不

撥刺文鱗戲玉津
清和景物一番新
若無來者應無去
我亦何須苦惜春

春光來去自年年
年底事臨風歎
迅遷杏日桃時都過也

只餘吟興尚留連

真常早已悟浮漚
膠漆盆中孰滯留
翻喜好春別人去
閒情省却幾分愁

遣興

賈生賦鵬鳥元公詠鳩鴉
或見形起惑或聞聲厭囂
鵬鴉何知飛翔自逍遙
寤寐以永歎憂疑誰所招
古來磊落才藉物抒牢騷
有鳥名喜鵲流音入綺寮
聞者心生欣比諸忘肉韶
時維麥之秋靈雨盼崇朝
見彼出林

鳩將謂沃槁苗鳩鵲鴉與鵬無心為祥妖鎗銖計吉凶
堪憐混漆膠耳眎而目眊誰歟悟蘆交

四月朔日

昨朝今日更春夏旋轉原無片刻過試道作麼留在萬
依然如是對清和魚喁亂絮浮紅浪鳥逐殘花下綠莎
那復閒情問芳事惟將平秩驗南訛

夢二首

反側不能寐永夜難遽頽夏夜詎云永而我覺悠哉歆

枕少交睫彷彿似夢來昔者杜與李生別詩吟悲又聞
元寄白欲以覓相隨元杜今何在應為夢醒時至人本
無夢有夢吾其衰

至人非無夢夢醒夢亦無我今覺有夢試問醒否乎未
醒而云醒非智乃自誣但恐醒亦幻忘眠以嗟吁

牡丹八韻

畹蕙還舒艷源桃早遜香不嫌遲好節應為殿韶光妃
子亭邊妬蜂兒蕊底忙標名偏許洛極愛獨稱唐響識

雲漢何曾命羽觴摧墮欄榭畔孤負衆芳王

今歲牡丹頗遜往時憮然有感

瓊苞常勝錦雲張幾度拈吟興欲狂為我閒愁芳意斂
即省神解合稱王

比似常年爛漫無品題風月立斯須維摩身自無依著
何必榮枯問鼠姑

問柳絮

慣能迷客眼偏解污花心借日糊天暗因風卷屋深鏡
渾圓水面雪聚小牆陰觸處成憎厭何如在故林

柳絮答

故枝多眷戀薄質豈無心奈可稊全脫而當春復深沾
泥成夢幻認雪是陶陰識得原無住何殊堅固林

夜雨

冬雪欣滋脉春霖復應期即功民可望慰志我應知數
日風稍作成峯雲似遲秧針方茁際麥腹正含時重上

雙眉感難忘五夜思濃陰省漸布膏雨灑如絲欹枕那
成寐敲詩敢即夷尚希盈尺澤近隴復遐陂

初夏晚景

藥盞留春色桐陰散晚寒披衣風料峭步履露闌干白
絮參禪定青梅解渴酸雨餘山一帶樹杪日三竿詎敢
耽閒適常懷致治安乾乾惟自省此志倩誰寬

風

微雨未宣潤終風又扇威難云麥根固

農家言麥經雪則根及黃泉春

夏少經旱
不妨也

佇看稻秧肥望歲希逢稔省身只覺非徊徨
空自問念爾小民依

四月八日作

韶華買盡沈郎錢惜逝還同子在川生滅瞿曇真幻也
清和赤帝任如然送春短偈黃鶯語礙眼迷雲白柳綿
去歲望霖重入念却如習慣結愁緣

養心殿碧桃樹

芳姿拈詠感無端露井依依艷未殘九十韶華都過也

尚攜春色待人看

豈是春光為少留
新愁舊恨記從頭
由來仙樹元都種
不落詩人淚不休

雩祭齋居

節惟龍已見卜云吉其符

圜丘將有事祈歲為民謀

叶

齋居滌身心顯若敬以孚

冬春雪雨滋慰我三農夫
舉趾播嘉種胼手闢荒蕪
羣然望豐稔將謂逭飢臞
芄芃未觀麥青青已瞻蒲
設十

日不雨此意復虞辜空庭盼雲脚佇立徒嗟吁

雩祭

園丘壇敬成十韻

吉事日惟吉齋宮禮致齋萬星環

帝座百辟列機街瑞露瀼成幄祥煙鬱薦柴夔夔欽
泰綽穆穆睨三階掌膳龍文鼎司儀鳳篆牌無能一誠
格敢謂八音諧况值秋臨麥依然雨卜蝸德涼愆日積
農重望時乖龍見方符節鳩音似報佳尚希通

旭卉霑霑慰予懷

偶為歲寒三友圖各題以詩

松

誰識夢裏吾幻作寒時友所欣瀟灑侯不棄支離叟

竹

風敲綠琅玕自奏雲山曲堪笑世俗人道是不如肉

梅

溪邊綠珠仙倚竹秀而野寄語貌梅人識取梅梅者

臨故大學士鄂爾泰第酌酒

青宮德義傳黃閣股肱臣永賴調元化何期作古人百
僚失矩範十載憶忠純適去空騎尾悲來底忌辰嘉猷
人盡識

昆命我須遵

雍正十三年
學士配享

皇考遺詔以大
太廟朕弗敢忘

國有旌

賢典欽哉步後塵

復聞河南山東得雨有作

雪積雨復霑皇州春可樂望蜀志未已所憶齊與洛旋

聞足一犁稍釋憂心灼邇時入夏來時復風霾作麥腹
正含胎綠芒半焦若默禱瞻星躔延領望雲脚夕惕以
朝乾近籌遠更度旬宣方伯臣皆予心膂託憂勤相與
共念恤民之瘼封奏得佳音靈雨霈郊郭麥秋良足恃
予懷轉寬綽三輔尚愆期愁慰相縈著卜澤候蜥蜴呼
晴厭乾鵲天衣信五銖風引輒飄霽十歲九祈雨允矣
予德薄罪歲夙知戒展轉祇增忤

落花詩疊舊作落葉詩韻

有序

春迴大地欣滿目之芳華秋信崇朝感驚心之索
莫反紅正綠還似斷腸暈紫殷丹徒傳沒骨三朶
見名於異士百結自種於幽人莫不惜榮謝之循
環歎光陰之轉轂夜遊秉燭李白假大塊之文曉
發先風武后飛上林之勅曾容華之未幾乃零落
以如斯別榦含姿付香魂於流水辭枝抱馥翩弱
態於輕颺是以好物非牢次公致意朱顏薄命憲
祖興悲縱復傲霜霜深曷傲曾聞離恨恨重難離

雖釋迦老子不妨笑示拈來而王衍何人敢道情
鍾正在吳江賦葉雅擅蘭苔曇鉢現花幻同蕉鹿
韻依舊什興寓別裁

底從天女問因由結習消完自不留博得裳裳欺暖日
應教瑟瑟託寒流錦叢一散難重聚華海皆春有獨秋
落葉拈題剛轉瞬推敲聊復畔牢愁

廣袖如傳唾染紅色惟真色始真空飛揚點點徐熙墨
踪跡飄飄杜甫蓬聽去有聲疑作雨由來無力不關風

試叅生滅香巖畔也掣鯨魚碧海中

用杜甫詩意

楞嚴七處漫徵心棒喝當前悟轉深
紅雨乍飛酣午夢青蘋欲動鎖林陰
無端擁帚呼僮掃尚憶攜瓶共客尋
此日東風誰禁得不聞聞界見觀音

品題應許范雲殊縱似丘遲也不須
莫歎苑枯枯即苑設云無有有常無
辭叢荏苒迷寒蝶入畫飄蕭散曉烏
聞道嫦娥還閉戶星榆歷歷守殘株

榮悴誰能與解何亞枝乍少謝枝多
綠珠飛下齊奴閣

帝子遙臨洛水波，點綴青旗啖北里。
分明春色是南柯，佛樓沙鉢投難滿。
未覺乾枯脫愛河。

脂冷香殘火迫秋，羅家詩裏為花愁。
蕭騷情緒隨風籜，爛漫生涯逝水舟。
曲埭尋芳驚拉瑟，小窓讀易驗毗劉。
曩來賡和晨星在，即景頻歎幻海漚。

往時和落葉詩諸臣如大學士鄂爾

泰尚書張照詹事張鵬翀皆物故大學士徐本以病乞歸臨篇追憶不禁愴然

題董邦達山靜日長圖

心閒覺日長，塵遠知山靜。
佳處底須買，幽人自管領。
三

逕陶氏開五畝白公整逃禪佛鉢花澆書石鐫茗謏謏
松風吹栩栩蝶夢醒義車解人意不肖度西嶺

讀諸葛武侯傳

盡瘁終身翊赤符豈虞一木不勝扶隴中已走生司馬
地下何慙鬼董狐南北未忘先主志桓文不道仲尼徒
錦官城外森森柏丞相祠堂尚有無

寄題香山禪房

青來紗牖應宛在花謝海棠亦未妨笑我不曾醒幻鹿

因風偶爾憶禪房
白生虛室原無著
綠引平林想更長
每對清和愁不雨
世間誰者傲羲皇

碾飴

餅餌香風到雕槃
薦碾飴不寧嘗野味
兼以憶窮簷
秋日近日無幾芒
抽雨未霑密雲空
讀易愁上兩眉尖

清暉閣

清暉閣前十三松
虬枝詰曲擎高空
歲時代謝幾閱歷
撐青雲蓋圓童童
杪春首夏例望雨
閣中兀坐愁蘊隆

纔喜天邊縷薄雲，厭聞窓外鳴。終風謖謖天籟真，笙竽
迺作商吹增。憂忡爾松爾松，胡不居負嶠之側。元嶺之
東，為彼仙人所撫摩。猿鶴之相從，否則為岱嶽五大夫。
淮南十八公，何為落落瀟灑質。憎棄乃如拱把桐，嗚呼
良材時亦藉。遭逢世間得失紛，窮通只此殷憂萃。一已
誰能後凋待三冬。

仿文徵明春林策杖圖即用其韻

雲外層峯幾疊青，鐘聲鎮日聽南屏。綠陰已自成帷幄，

不用東坡擇勝亭

刺舟

刺舟御湖中若練波光瀉新綠罨周岸風物實瀟灑

叶

亂絮膩縠紋噉喁魚不捨有人持釣竿投餌垂楊下見

即蹶然遜有似小吏也

見晉書
王承傳

龜玉毀櫝中典守非公

治是雖鯤鰐微彼豈雉兔者固知類是多未見得寬假

罹法而復縱池鱗自茲寡為阱我所戒觸網彼自惹因

思魚貪餌乃作盤中鮓是人復貪魚櫝楚逮兩蹠人罪

魚所招

魚不貪餌人亦不釣矣

魚禍非人賈

叶一笑亟舍之得失

紛塞馬

輕雲

輕雲幕碧空
曉日已韜紅
望切思民瘼
瞻餘慰已忡
徘徊愁巽二
翹企聽靈霽
安得如膏沛
公私解蘊隆

風

首夏行欲闌
望霖日徬徨
輕雲縷層空
風引輒飄揚
呌松成愁籟
翳天散塵黃
孟婆何逞威
豐隆勢失強
變時

信多慚補助豈有方轉歎憶去年徼倖胡可常

去歲春夏愁旱

辛五月半得雨晚田頗豐近復望雨羣臣有以去歲事為解者朕弗敢自寬也

每當春雨零慰

懼還交相受寵應若驚屢以誠班行豈我迺忘之夙曾

告彼蒼昭昭有明鑒究予意弗誠

叶反側增怵惕傷哉

我農忙

叶

習習聽漸微天末徒延望

芍藥

度牖麝蘭味猗階錦繡叢蜂衙攢晚鵲鶯語答芳融潔
暎冰盞白豔爭榴朶紅花王常欲傲不肖嫁東風



御製詩初集卷二十五

欽定四庫全書蒼要卷一萬三千二百九十九

集部

御製詩初集卷二十六

古今體九十一首

乙丑三

偶憶盤山別業命筆寫之并題以句

盤山太行脊千里走薊易峯巒特秀拔往往露竒石別
業構其間匪學煙霞客來往偶停驂一覽千巖碧孟夏
雨未足展轉愁無麥飛廉勢復扇燄蒸日若赤虛堂苦
煩悶遣興無良策偶憶雲中居松泉在咫尺命筆規撫

之肖弗求形迹幽籟奏柏竹爽氣生几席架壑白板閣
更復堪響烏曠懷一為寄繁慮於焉釋遙想伊蒲輩禪
悅正幽適

聞新蟬

時端陽
前一日

隔岸初聞嘒嘒聲朱明軒閣尚餘清林間嫩綠方新鎖
為問誰傷落葉情

午日

望雲憂麥槁度節忘蒲青巽二風無巽靈均雨弗靈艾

樽終日輟粽席兩年停

去歲此際亦望雨

重墜

慈闈慮中心越不寧

古寺鐘

閒雲鎖屋榮賢却幾番更如是幻常示無殊喧寂鳴蒲牢猶蜿蜒苔篆已縱橫待扣空留意何人為發鯨

頻朝

頻朝雲勢作時復雨絲連待霈愁無那翹空意轉懸柳梢驚偃浪池面怕生漣比政吾知戒希恩若獲全麥將

虛望歲禾尚異書年印地紋徒漬霾天色稍蠲對時占
石燕數節咽槐蟬晚報西峰翠誰能穩夜眠

湯泉荷花

君子小人不同道或貴晚成或欲速豈有亭亭淨植姿
竟與朝華草同族乃知地力擅天工蔥嶺見說冬生穀
玉筍班中多美材詎必後凋識真禾但使因風裊靜馨
莫令羣猶譏不馥

題慎郡王田盤山色圖十六幀

靜寄山莊

別業構田盤潤挹千峯翠陵谷因天成軒齋稍位置境
惟幽絕塵心以靜堪寄披圖似重歷恍此煙霞意

千相寺

曾聞佛示蹟一夜千相成千相各殊別因茲寺得名而
我莞爾笑此語殊不經燈籠答露柱熾然無色聲

萬松寺

萬松松無萬無已云萬松颯沓韻金石猙獰拏虬龍白

澗幾曲盤綠陰千古濃
蕊芻入三摩真叅不空空

天成寺

兩峯五丁闢一寺雙林開
坐我挹秀閣抒茲即景懷
冷泉淙石齒踈林掛兔胎
結習一以忘故知無去來

少林寺

精藍據層嶺煙磴凡幾疊
丁星綴紫茸爛漫紛紅葉
北

山鮮移文

是山古為隱者藪
今則為禪家窟矣

西域饒梵篋少室本同名

跋陀倘能接

盤谷寺

出楹幽霧寫褰幌
繇雲噴我曾拾級登
蒙茸破秋蔓愛
此老筆道更豁煩襟
悶踽踽策杖人然疑覩李愿

雲罩寺

常時望田盤雲在山頭起
昨歲登絕頂雲乃在足底由
來萬仞高只此一步是定光
無說說不異天龍指

古天香寺

嶂葉綠交軒岫霧白封殿
隔岩望初地金碧時隱見
遙

想佳蔭下春深鳥應囀何當半日閒一飽伊蒲膳

中盤

盤谷實有三中盤為最幽我曾坐松下幾度沿溪流契
理在寸心曠觀足千秋長嘯萬壑空彷彿晤田疇

東竺庵

西方亦有些東方亦有些試問為異同兩三原是六真
偈空水泥妙曲絲竹肉可惜門外漢不如屋裏宿

雲淨寺

山水智仁德松竹清和聖學遯久無人逃禪乃有柄梵
宇何林立法體交光鏡坐對默忘言一川秋雲淨

東甘澗

入山既遠俗尋流復得源齒齒咽白石絲絲漾綠蘋在
陰鶴叫子猷庭竹育孫仲長今豈無可以樂衡門

西甘澗

澗水分東西地靈甘則同汲冷垂折竹潤枯燒老松無
須調水符可作清齋供嗟彼栖遲客來思慰遐悰

予既憾隱

者之絕少而又慮
隱者之不予從也

上方寺

蘿逕迴羊腸攀躋到上方鳥語奏笙竽嵐氣霑衣裳天
樂悟根塵花雨紛幻常漢室仙人掌至今零露漙

雙峯寺

衆峯何攢攢雙峯迴莫攀下臨衆壑空高入天風寒月
影標靜常秋容變蒼丹鐘聲聞上方堪證六度檀

金山寺

造物無盡藏環中有獨得偶爾寄林泉誰云娛翰墨心
與空宇閑身在孤松側維摩明示予萬古田盤色

漢玉圖章歌

土華璘璫青銅色蒲牢為紐鳧鐘式躡踞饕餮周身刻
蒼弘血冷不可逼何代剗外資抑埴昭陵玉椀出幽宅
耿氏得之重和璧重鐫丹誠誇世德萬籤插架夥圖籍
品題用以辨真蹟俎中彭越無英魄族分貲散誰復惜
琅編錦軸天府積此章隨入等甌甃偶撫摩之色黝赤

詞臣博古均能識驗之曾鈐諸卷冊不差毫釐同刻畫
吁嗟乎丹誠兩字千秋勒忠我朝歟抑勝國兩端首鼠
堪歎息錢氏鐵券不可得

賦得鴻漸于陸

五言排律八韻得羅字

隨陽原履信遵陸自含和高蹈詎離類為儀亦匪他翩
翩者有度肅肅更無訛飛集風香芷褰襪月暎莎郁生
啗入幕嚴子豈歸羅有似鳴韶鳳寧同聽講鶯亦麟當
日操朱雁此時歌載詠白駒什來思望轉多

仲夏南塘

南塘夏五淨無涯不道宜煙雨亦宜花下人行紅散霧
柳邊舟泊綠成帷婆羅彈梵鶴呼侶玳瑁宣慈燕乳兒
消遣日長書在手朱明窓外影旋移

雨

久晴憂不雨既雨愁煩晴昧爽風雨作慰懼還交并
欹枕那能眠披衣步中庭須臾風讓雲震雷虩虩鳴蹄
淅已稍積簷注旋如傾蟲蟲氣乍解每每原可耕猶祝遠

近霑佇待封事呈我嘗嗤世人率多望蜀情當局轉自
蹈徘徊空倚楹

夏至進宮齋戒舟過萬泉莊

浮雲遮曉日宿雨滌遙山柳色煙千縷蟬聲水一灣良
苗欣沃濯新漲聽潺湲命駕緣臨祭維舟豈趣閒慰懷
惟穀寶觸景憶民艱彌月憂心切今來略解顏

題虛靜齋

軒席虛而敞松蘿靜且佳鳥吟如演梵山色自忘懷蝸

篆白留壁苔紋綠到階常年瀟灑處取次悟生涯
黛色罨窓濃雲林秀幾重探幽蹇薜荔裛露把芙蓉義
牖無須傲東園或可逢笠亭煙柳外更好課村農

泛舟自西海至萬壽寺

隄柳汀蒲帶漲痕蟬聲嘒不厭清喧麥莊十里輕舟疾
似泛江南煙雨村

雨過溪風送曉寒西峯迤邐濯巔岼舟行不與山為別
何事香山面北看

招提門枕碧溪流月相瞻依偶憇留憶我當年題句處
假山松枯綠陰稠

禪關自是忘機處我到禪關我並忘柳岸艤舟因得句
誰從衲侶問真常

夏至齋居

撫序夏維至占時月屆臯

明禋脩祀典勅法省刑曹自是當遷坐從來不舉醪心
憂遙卜歲志慰近霑膏觀象思羸豕聞聲應伯勞清宮

本無暑不必學禪逃

賦得追琢其章

五言排律八
韻得瑊字

精金方躍冶良玉已辭巖百煉光無奪連城質不凡
安公龍為駕和氏淚留衫大訓應同列工師底用監
既追無斧跡巧琢訝神劖喜是充庭貢慙為韞匱緘
在沙原藉鑊次玉漫論瑊允矣為章美光華佐黻函

晝短夜長

晝短夜長秉燭夜遊晝長夜短良夜如流夜遊花似霧

中看如流良夜難成眠我欲易春日為夏日使坐花而
飛觴者皆盡興以交歡更欲易夏夜為冬夜使隱几而
夢蝶者乃不苦於僕緣知不可乎驟得徒寤寐以永歎
吁嗟乎得必有失智不如愚儵忽鑿而混沌死天地有
憾何時無

讀書

棄日玩縑緗虛軒晝復長悅心惟禮義惕慮驗興亡理
窟人應晰言筌聖豈藏允惟三五治返已益慚惶

夏至有事於

方澤禮成敬述

帶月駕星輪鳴鑾出鳳闈

八年夏重葺以大祭預日前詣齋宿適有

北郊齋宮

病暍者緣樹未成陰故今歲仍自宮中往也

易衣遵薦陸沃盥授絺巾

至櫺星易

祭服盥手乃入祭

大武陳元俎犧尊右

媼神蕃釐希

帝錫來享儼

皇臻瘞坎旋將帛熏爐已達薪廣生欽

厚德塊圯實無垠

湖北巡撫晏斯盛進喜雨詩因用其韻賦詩誌懷
宵衣每問夜將闌元日祈年禮

泰壇二黼要圖風俗本萬方生計廟廊端治安蒿目慙
心窟飢溺為懷發性湍自擘封章知待澤楚雲南望幾
凭欄

濃嵐夕屬復朝連作勢激湔亦眇緜乍喜麥禾蘇涸壤
還思遠近遍公田需雲日盼荆襄國解澤春回翼軫天

咨爾旬宣終歲計漫忘憂勵詎康年

力田莫必有秋遭省罰年來屢勅皋衽席難登常罪已
飢寒未免敢屯膏樊山氣合雲容濕鄂渚波添漲影高
好擬蘇公為作記新亭成處眄林濠

近日芙蕖綻滿塘對時清暑屆農忙欣茲厚貺纔云足
待彼嘉生奏實方中野雁鴻頻在念頽風箕帚尚須量
新詩聊當歌豳雅舞馬何煩說謝莊

池中畜雁育卵不能自嫗以家雞代抱之卵既孳

矣雁雛遂以雞為母飲啄恒隨焉覽育物之變態而誌以詩

鴻雁翺雲遠安能遭弋羅設其一被獲之死矢靡他不雁

再匹
一解

雙雙離故汀單人何其殘剪翅依沼蘆垂頭強

為歡

二解

感君稻梁恩育卵聊當報育已不能嫗終憶故

汀好

三叶

家雞慣伏卵粥粥孳且多螺贏負螟蛉效彼

詩人歌

四解

顧復雞雁雛了無分別視引飲復引啄一一

若已子

五解

襁褓逐雞羣忌為雁所出乃識聖人言中孚

豚魚吉

六解

老雁傍雞埒呼兒兒不來

叶

煙波悵然遠相

對徒歔歔

七解

爾雁應莫悲爾雞亦莫喜漸陸終有時誰

能復顧爾

八解

題董邦達松陰消夏圖

灌木重陰翠鬱盤虛堂夏五自生寒黃庭一卷小年靜
綠綺橫陳不用彈

有無山色雲中辨遠近泉聲席上聞到此塵襟澹冰雪
怡情花鳥任紛紛

熱殘香篆更分茶石榻支頤夕照斜底事板橋絕響屐
不教俗客到山家

虬影童童蓋四鄰謾聞幽籟拂衣巾漫言高士能消暑
我亦薰風解愠人

泛舟

水漲靜無際舟輕樂有餘清風過綠竹濃露浥紅葉即
景因成句忘懷一檢書天光與波影上下總涵虛

日落風來爽湖寬舟去迢汀煙迷曲岸漲影沒平橋魚

子原來長鷗朋亦可招名言思古喻

文子云水能行舟亦能覆舟

安

得學逍遙

晚陰

微雨纔霑潤芳原已回綠旱熯氣稍解究未優且渥近
苦劇炎蒸朱鳥騰赫昱二麥固無收所慮種與莠我聞
古賢臣尚為百姓哭緬居兆庶上返已實慙慙休徵艱
感召玉食我忍獨晚雲幕西峯為霖頻默祝何當簷溜
傾勝瀉珠千斛

擬大癡重溪煙靄并題以詩

波澄天在底空裏施雙槳山迴別一川前溪渺蒼茫

上聲

幽人結茅屋慣在溪山間鷗鷺絕猜忌漁樵相往還
山空自遠塵林深堪避暑不學子陵灘令人知處所

飲魚

誇池寬數頃潏沔育衆鱗曾無網罟施孳息日以紛
春風桃李花秋月蘭芷瀕雙下鷺不窺羣泳人堪親
譬彼武陵源雞犬皆天民我來坐石磯匪為羨垂綸
魚亦識

其然喁喁爭張唇點波投飯餽不分鰕與鯢既飽洋洋
去煙水濶無垠從知雖棄物適用皆為仁狗彘食人食
大戒古所云必芻施伊蒲隨喜魴鯉羣所戒我不為所
喜詎有欣偶作飮魚詩如如眄澄淪

采蓮曲

平湖雨過荷香新荷花沐雨如有神吳娘弄棹采蓮去
六月南塘別有春始聞踏歌聲漸遠鳴榔響彌望水雲
鄉煙波任來往不道羅敷自有夫相逢女伴使君無休

誇玉井留名字除是吳宮有畫圖去歲妬花豔今歲見
花慚惆悵獨歸去羞開玉鏡奩

如來影

盤山千相寺石上有如來影像詩以詠之

如來無物不如來無物不如本無物豈於石上獨留迹
得毋此石非真佛無物非佛石豈獨非亘劫色相不長
苔衣君不見古德跣趺背佛殿自謂能叅言語斷此事
瞞人那易瞞識者嗤為擔板漢

學射二首

禮載舉桑蓬明示將有事執射聖人難其爭君子義復
聞太平日應不忘武備寫月把解角劈風鳴鸚翅力縱
不同科思中人人志孺子豈世出要以學為貴
學射可命中此事人人知讀書將為儒伊古傳三希子
告回問仁克已復禮為其道實平易是理非神奇胡不
努力行老大悔已遲譬彼失的者所差在毫釐

瓜

桃笙澈碧漪水盤薦綠玉熨齒凜漿寒沁懷消暑酷四
序不相代萬物各生育至今種瓜人道是青門族

寄題岫雲寺壁

昨歲遊招提首春日明發登頓蹇蘿煙徘徊倚石髮谷
神呈色相山僧供筍蕨坐彼雲外樓遠興浩無竭是時
花事未新草漸薰醇松籟奏颯沓嶺雲時出沒謂當九
夏炎嘉蔭應滿樾因之暢吟懷勝賞更清絕自我別淨
地寒暑倏兩越看日正堪畏說霖尚遲渟彭怒鳴終風

龜紋裂原岱迨暑應無地
閔雨常竟月乃知玉食人不
如飽粗糲後樂不多見先憂
曷有歇遙憶僧眠起煨芋
燒榾柮休夏茲其時安禪
面峯岵題詩寄岫雲身在
岫雲窟攬結林巒幽渟注
石泉活更呼潭底龍一雨
消炎暍設分賓主見是謂
話兩橛

余省畫蛭卷

翩翩錦繡叢蚊栩玻瓈影
無色香常住消得忙中靜

盜泉

在天有日月在地有谷岡晝夜難易職高下應有常君

省繞指柔終非百鍊剛盜泉何人傳乃在寶主鄉

見法苑珠

林孔子忍渴過此語殊荒唐不聞魯柳跖初因酌其漿

志士恥穿窬君子戒慢藏有水何妨飲無物安得將隱
之汲貪泉清操凜若霜豈其宣尼聖見乃遜彼行常謂
盜利人所慕橐與囊其志實甚卑其害亦易防更有盜
名流魚魚儼冠裳可變白為黑能使臭為香何曾飲盜
泉薰心終自戕謂人不汝知屋漏形影彰

常有

常有雲經天
究無雨露地
憫農眼欲穿
罪已心如醉
竭來綠野亭
遲見黃雲穗
桔槔苦耕夫
稍救禾苗穉
十日縱可待
倏忽過三四
把卷解煩憂
增慙聊撥置

朕御極十年蒙

上天眷佑
海宇乂安
歲有餘積
特下詔賜
蠲丙寅年直省正賦
以昭勤恤
民隱之意
非沾惠也因紀以詩

維

天作君師繼序撫八埏國本云何培端惟育黎元我朝
戴

帝貺聲教訖海堧

三聖丕顯承垂裕我後昆小子實德涼幸得蒙業安兵
戈偃四方熙和今百年水旱雖時有恩膏曾未屯縱免
填溝壑豈乏歎飢寒左藏既贏積況無侈費繁古人亦
有言宜藏富於民蒼赤被休息戶口日以蕃念彼維正

供幾經催科煩閭澤以時降十行大詔頒詎惟賜半租
更復遍九寰宿昔讀魯論博施聖所難匪徒行小惠
獲萬民歡但覺損益道其機實循環上盈斯下絀既富
教可言嗟我良有司勤求化民權所望閭閻間風俗漸
還淳

賜大學士徐本

卿歸里將一載矣比聞語言動履漸即輕便想血
氣和調平復非久賁然有日跂予望之炎夏火流

林居差勝明湖鷺嶺間扶舁蕭散卿亦宜有以自
樂惟是幾暇從容清吟消夏興復不淺而曩時賡
和之侶卿乃遠在江湖懷不能已聊寄以詩

道義愜同好衣冠崇老成八年資贊襄千里睽音聲宿
疾今何似秦醫胡不靈每懷故老凋錯落如晨星臨風
瞻越雲惘惘心靡寧長夏宜林居山水秀且清峯迎南
北翠月印三潭明卿雖適江湖豈不念朝廷努力加餐
飯慰予跂望情

跂望情何極頻年共濟人爵祿非可私義難阻歸輪常
謂二疏去於道昧致身卿以謝病返安忍責愬分

愬分亦已久曰歷冬春夏乃知白駒速寸晷不相假者
禾新雨後把卷萬幾暇披薰對南風心因到越下所願
眠食佳早整歸朝駕

夜合

夜合朝開佳蔭綠苔朝開夜合孰與啓闔形形色色皆
天公天如有意天應窮倚欄吟把夏過半但覺頭信爭

殷紅夜合自夏至後凡三開三謝則立秋時矣明霞剪剪正新染綠玉簪簪

間晚烘年年花葉常如是豈必傲寒始君子試省岱嶽
五大夫至今亦剩空名耳由來名與實俱傳彭殤畢竟
原齊年何必流陰歎今昔眼前景物堪周旋對時眉鎖
獨無愴不必閒愁愁有在萬卉生生不讓時嘉禾無雨
焉能待

即景

枝上鳴蜩已變蟬夕陽隄柳噪纖穿饒伊慢報秋來信

早悟威音那畔禪

螢

時六月九日

柳岸蒲汀碎照流
離離銀燭復星毬
只因陰火通身暗
却有光明與目謀
誰識前生緣腐草
儘教閒影伴輕鷗
篙舟月渚拈吟處
物意人懷總釀秋

夾竹桃

瀟灑綠陰濃
媽天絳玉茸
北窓君子傲南國
美人逢長養
全忘夏招呼
欲友松虬枝
方落落云且待三冬

熱

雲漢望難安煩煬勢轉漫未教憂暑雨早覺畏炎官視
事赴朝爽無眠坐夜闌盼霖增惕息此志倩誰寬

銅雀瓦硯歌

范土為瓦瓦成石石瓦土兮誰本質摩挲蒼玉認前朝
尚有建安年可識相州當日築高臺駕瓦精傳陶氏術
鉛丹細搗襍胡桃大浸稽天不漏滴貯歌藏舞鄣齊雲
更擬二喬陳筍席仲謀孟德今何在相爭霸業春冰釋

銅雀荒涼荆棘叢谷陵遷變匪朝夕遂使多於帛縷物
一器千金乃不易何人規為潤色生窪尊圓月中繩尺
歲月既久火性沈潤似端溪老坑出松滋寶箒獲嘉朋
書媒文畝資幽適詎數號州土貢佳呵之直欲流神液
寄情竹素玩古今松雪齋中想捉筆
是硯為趙孟頫家
舊藏今流傳內府
非人磨墨墨磨人東坡果入維摩室

題梅花琴

梅花為文桐為身梅桐琴耶誰主賓何人斲此甘蕉形

大珠小珠丁晨星空山一鼓風泠泠洞庭始波歸仙輶
無聲鳳噉琴有靈箏琶之耳淨者聽

恭進

皇太后玉盤時果各紀以詩

桃

甘實靈津可益神摘來猶帶露華新紺桃原是西池種
合獻

西池第一人

頻婆

郎官見說賜文林甘旨堪將託素心底事會稽王逸少
換鵞書罷乞來禽

蓮子

落瓣餘香散御湖內人新擘水精珠擘來色質渾難辨
漫說冰心在玉壺

藕

玉盤初薦玉參差吐液含清迥暑宜願以心虛承

色笑還將絲縷擬

恩慈

讀貞觀政要

君子慎言行其發乃樞機出身發乎邇千里應在茲所
以古聖王左右史有司匪惟記善惡亦以謹起居叶遙
遙三代下不乏為君師漢文唐太宗高山予仰跂叶漢
帝質無忝唐皇文有餘叶至今政要書炳然法則垂求
賢與納諫簡編多令儀獨於觀史事不能我無疑文皇

信英辟易理豈不知九皋鶴聞野榮辱應不遲詎藉金
匱藏却觀知所為遂良執簡記傳信恒於斯秘之不與
觀固也非達宜禮云記動言非禮戒宴私不觀史何據
或者其未思善哉劉洎言人君日月齊設遂良不記天
下皆記之復如封宇文至唐皆進規使其記隋事筆應
多詭辭豈能掩煬惡煬惡誰直書

叶

未央宮瓦硯歌

噲豨越布皆功狗相國發縱常居守楚歌四起霸業墮

漢王南面朝九有功成治定作未央連雲榱棟將侈富

叶

翡翠參差覆反宇日射華光入文牖燕啄皇孫炎火

微垣教闕戶嗟豐部金銅仙人辭漢去清淚汎汎濕肩
肘一木難支大厦傾荆煙塹露埋形久何人湔剔供濡
毫青鐵視此翻覺醜呵之有澤理綴精弊而不壞純且
厚以靜為用故永年尚卿螺子為文友銅雀硯亦擅佳
名陶成四百年以後共置明窓淨几間阿瞞有知應自
咎鄧侯豈藉是硯傳是硯真因鄧侯壽

偶為梧窓夜課小景并題以句

義府足探尋良宵漏復深
天邊一片月照我古人心
几席絕塵氛梧竹含蕭爽
金盞倩誰手推出東岡上
月色潔宜秋桐陰踈勝柳
映月讀書人問彼曾知否
今居古與稽古月即今月
梧窓對古人軒然逸興發

夕景

時六月
十九日

暄暑何須畏日長
朱明圓月已三匡
一湖波影將凝碧
兩岸蟬聲欲喚涼
檢點流陰真是幻
推敲詩思靜中忙

螢光飛逐閒庭悄漏下銀鈎過女牆

補亡詩

我逝南陔言陟其岵昔我行役瞻望有父欲養無由風
木何補

我逝南陔言陟其屺今我行役瞻望有母母也倚閭歸
則寧止

南陔有筍籜實乃之孱孱孩提孰噢咻之慎爾溫清潔
爾旨肴今爾不養日月其慆

右南陔三章二章章六句一章八句

有白者華不污纖塵咨爾士兮宜脩其身不脩其身乃
貽羞于二人

有白者華婉茲靜好咨爾女兮宜脩婦道不脩婦道乃
貽羞于二老

白華匪玉涅而不緇白華匪蘭芬乃勝之我擷白華載
咏載思

白華匪玉質王之令白華匪蘭臭蘭之淨我擷白華載

思載咏

右白華四章章六句

瞻彼阪田厥黍始華
胼足胼手嗟嗟我農夫
瞻彼阪田黍華以秀
胼手胼足惟勤斯殖茂

華有不秀矣秀有不實矣
其雨其雨矣杲杲出日矣
予愁之恤矣

右華黍三章二章章四句一章五句

王庚便便東西朔南六符調變八風節宣

王庚容容朔南西東維敬與勤百王道同
王庚廓廓東西南朔先憂而憂後樂而樂
王庚恢恢南朔東西皇極孰建惟德之依

右由庚四章章四句

澗松童童蛙黽鄰兮丘草萋萋蕩青雲兮凡百君子慎
乃託身兮

澗松童童澗則卑兮丘草萋萋丘則崎兮凡百君子審
乃所依兮

有崇者丘物無不遂有卓者道愚無不智資生育德永
植毋替

右崇丘三章章六句

在上曰天在下曰地君君臣臣父父子子
在下曰地在上曰天父父子子君君臣臣


由其儀矣物則熙矣
儀其由矣物則休矣

右由儀四章二章章四句二章章二句





御製詩初集卷二十六



總校官庶吉士臣侍朝

校對官修撰臣張書勲

膳錄舉人臣杜安詩

欽定四庫全書叢要

集部

御製詩初集卷二十七

八



詳校官原任編修臣徐立綱

欽定四庫全書薈要卷一萬三千三百

集部

御製詩初集卷二十七

古今體一百五首

乙丑四

雨三首

時六月二十三日

濃雲起半宵甘澤灑
三霄戚戚愁心沃
隆隆暑氣消不
寧蘓穉黍兼可種
新蕎夏杪霑時雨
慚惶六幕調

非藥已炎疴成書號
得禾經花開淺靨
入水漲新波綠
砌泥盤蚓紅墻篆
走蚪明朝應問

寢膝下樂如何

水色接天光湖亭眇渺茫詩情詎花柳樂意在農桑慰
處當初伏觀餘憶遠方望賒得隴後笑我審無妨

聽唐侃彈琴

虛堂赤夏清風生炎官遠徙秋爽凝松濤竹籟禁不語
惟有唐侃琴韻鏘鏘鳴愧我曾無撫琴指不解琴音會
琴理宮商之外太古心成連伯牙乃所以

六月二十九日作

金烏返北躔花影上階磚便是欣辭暑能無惜逝川蔓
壺迷晚蝶高柳咽風蟬靜憇閒尋檢愁中過半年
乘涼俯碧漪秋到已先知清露花間墜微風竹外吹湖
光新裂帛山色自疏眉一歲平分去流陰惜者誰

七月朔日聞蛩

松根纔飲露苔坂乍吟秋作響爭蟬翼呼朋勝鳥喙耳
謀饒寂靜心所驗遷留怪底金聲切今朝大火流
往歲立秋早聞蛩常六月孰知彼跂脈乃不讓時節幽

韻砌下添逸興枕邊發披襟步簷廵明河向西沒
唧唧散涼聲因風度響輕由來喧本寂不有滅皆生宵
景聊復玩秋懷底事縈黃姑盼牛渚屈指若為情

窗影

旋旋流光窗外移碧梧桐影寫孫枝何人屋漏誠無愧
觸處成羞愧自知

新秋月

雨過翔雲露晚蟾無邊秋思玉痕纖何人為憶經年別

水色天光取次拈

沿堤聽去蛩聲亂
傍浦看來夜色清
怪底一時添絕景
半鉤初弄漢邊明

無愁猶自不禁秋
奈可新秋惹舊愁
今日吟髭對秋月
漫將生滅悟浮漚

一輪占得三秋色
半偈提完大藏禪
却是本來無一月
幾曾實有印千川

遊香山

宿雨滋鱗町新晴晝黛鬟
塵懷觀穡事乘興到香山
蔓莽破烟步孤松帶露攀
半年憂裏度此際稍心閒

林靜原無暑谷深覺有神
瀑聲經雨壯梧影到秋新
託好有常樂忘筌是宿因
峯西多異石更與步蒼榛

無那林泉興匪耽山水居來青

軒名

自宛宛約白

亭名

故如

如鳥語入窗牖嵐烟起砌除
庭前柏樹子別我忽年餘

青龍橋西

坂露浥薄塵川風奏輕爽
醒林曉雀喧吐嶺朝暉晃
綠

疇播種齊憑與眄莽蒼迴憶九夏時將謂赤如掌棲畝
有嘉苗蔚然增景象念此稍慰藉詎敢誇豐穰

七夕漫占

今夕夫何夕當年即此年雖云久離別却是永團圓樓
上曝衣會庭前乞巧筵阿誰思往事露立獨酸然

御園新秋

碧梧枝浥露華鮮寥泐迎秋餞夏天過雨山含螺黛影
度湖舟破蓼花烟節酬牛渚雙星會詩詠幽風七月篇

稍覺愁眉舒望歲幾餘義府得周旋

佛手

真常全體是華嚴偶示兜羅琥珀纖不斷根塵耽淨業
了無一物可中拈

西直門外

良苗近隴復遐町一雨能迴五穀青今日輕輿憑覽處
稍紓半夏刻靡寧

晚田稻可冀豐還瞻望每每一解顏不為沽名勤望歲

樂憂此外更無關

七月初十日立秋

節令誰云稍遲留來臨少皞速於郵別新牛渚重重憶
波始洞庭渺渺愁知己梧桐飄一葉有人西北倚高樓
晚來月宇拈吟處處色色聲聲分與投

秋湖泛月

秋雲散碧天秋月來滄海樂此秋興佳蘭舟泛溶浥蛩
吟草底聲螢流荻間彩晚荷遞馨馨石髮梳髮髮萬綠

參靜悟即境契真宰

熱

白帝司初令祝融戀餘景三庚有婪尾赤日騰煜炯梅
潤生柱礎炎颶蕩露井翻覺九夏寒誰信履霜冷躊躇
驗消息妙契忘言境全水乃不濕是山豈見嶺迢暑在
暑中安用逃禪靜

砌下雜英秋色爛然造物者之無盡藏也點筆成
什亦興之所託云耳

暈紫霏紅露蕊新
蕭秋慣解作芳春
黯然一種含情處
似憶常年倚檻人

繇英有艷却無名
晚韻寒芳分各榮
葉底語蟲相應答
滿前秋色復秋聲

亞階雜蘼麗朝暎
楚畹休誇滋蕙蓀
今日小墻過蛺蝶
却如兩度入春園

詎必蒸雲復爛霞
洒然幾種對蕭華
色空叅透空原色
不信曾拈有釋迦

檢近稿偶誌

少小學為文韓蘇有卓型別裁及詩格李杜真前旌立
言人所志見道差孰能自讀宋儒書始知朱與程詔我
為學方主敬與存誠空言信何補要道在躬行矧茲繼
百王君師任匪輕衡門有遺賢安能致諸廷溝壑有餓
殍安能飽以羹返已率多慙佳文何足稱有時雨未降
披衣宵立庭旣霑或苦潦踟躕復望晴黍高稻宜低夏
耘春勤耕望杏杏未紅瞻蒲蒲已青織婦慮寒心農夫

望歲情茅簷艱苦狀彷彿常共賡結習難盡除聊如勞
者鳴工拙非所論歲月差可徵詩史讓少陵我作方農經
中元夜看荷燈

燭幽燈擅夜寫潔月臨秋即景悟薪火乘波任去留閒
情誰與繫好句分相酬興罷鳴歸櫂螢光夾岸流

七月二十二日恭奉

皇太后巡幸塞北曉過清河有作

近日高空淨廩秋藜灘蘿嶼露華浮爲明武備行時令

瑞色龍葱擁六旂

不必詩陳車既攻每思夢叶獵非熊年年扈蹕承

慈豫日日清宮問

寢同

瞻雲老幼許來前傳語金吾漫策鞭汝亦有兒經久別
相逢闕切得毋憐

晚蕎待雨全難茁早穀當秋薄望收半載憂勤成底事
少增慰藉劇增愁

觀書每戒漢文馳王業艱難觸處思若爲已躬尋逸樂
御園佳勝有踰茲

石槽行宮疊舊作對月韻

別苑秋清風露妍閒花繞砌弄幽娟青含迤邐京西嶺
藍蔚高空薊北天佳景乍如蕉夢幻詩題曾記夜珠圓
徘徊欲待銀鈎上星宇寥蕭未忍眠

懷柔縣東

金風拂曉鞍颯爽清秋美御路淨輕塵銅鉦掛林裏村

墟看錯落町疃經迤邐原隰棲嘉苗恒秬秠糜芑如雲
綠與與飲露白靡靡大熟縱未能不歉斯可擬迴思半
載愁望霖心如是即復駕田車關情殊未已幸荷造物
仁景光異百里侍臣有進詞二鬴堪期指截長補其短
無慮呼庚癸吁嗟此何言解免聊復爾一夫二畝田終
歲計在此雨耕而日耘手足誠勞只所賴薄有收庶免
溝壑死從來祈歲心詎恃河東徙憂者共彼憂喜者同
茲喜憂喜相繆縈是即我所以

九松山歌

九松山上松盤髻九松山下路禕隋幾度攬轡過山下
興至輒為留吟題千巖隱伏東南去此地秀結神堂竒
礪流淙淙兮隔紅塵之襍沓孤峯倚天兮縈青繚白而
屈屣羣山皆童無氣色獨如偃佺蒼顏綠髮垂絲絲精
藍數椽閒閒見未至不知築者誰是中疑有遠公駐法
雨霏作蓮花池復如香山社中會九老無言恒寫白傳
詩吁嗟乎山川蘊鬱有如此何殊岱宗之蘼華嶽嶠意

行所得契靜悟谷神語我停移時

學字

把筆當秋夕消閒向晚軒無須求側理差可辨釵痕意

靜妙堪會神清境不喧墨林多月旦獨愛米公言

米南宮詩

帖云童蒙好書今不止自模得真幾二紀嗚呼學道苟或然堯舜何人不欺爾

攬勝軒作

蕭寺據崇嶺烟嵐時出沒地迴無俗塵樹古有嘉樾便道禮法相金風拂明發坐我攬勝軒薄爽侵眉髮翠旌

轉盤磴驕馬嘶芳埒野花散晚馨山果垂朱核低眼睨
鳥背拂袖招雲窟所見摠絕勝拈吟興無歇稍事學伊
蒲憩息嘗筍蕨頓忘八珍味藉以參禪悅一晌適幽靜
六轡侵尋別山僧跪道旁公案不須說半院分汝住飽
宿清秋月

出古北口

棲山駕海帶秦遼拓抱中原迴近霄此日無煩誇地險
當年見說控天驕金甌詎恃一丸固玉燭恒慚六幕調

來往巡農兼閱武萬年家法仰

神堯

陰

有渰看萋萋千峯黯若迷問誰增旅況乍不辨前蹊景
寫米顛筆詩歌豕白蹄晚田猶待澤莫漫慮霑泥

常山峪行宮懷舊

青雲叢處敞離宮

昔日今時駐蹕同捲幔山嵐千面合開軒巖樹四隣通

垂紳瀑水無心白對客閒花著意紅廿載

恩勤成一瞬幾番青睞仰高空

閒

行宮批答奏章還贏得山齋片晌閒心所忽教愁緒觸
晚田缺雨見途間

常山峪行宮八景

綠樾徑

灌木重重翠鬱森秋來猶自有清陰攜筇不爲尋佳勝

觸目無窮山水心

虛白軒

架得蕭軒三五楹
偶來輒喜向虛明
前秋詩約分明在
指點烟嵐是舊盟

青雲梯

幾疊林巒碧靄凝
盤紆界道一條冰
幽偏不是青雲路
只許詩人偶一登

楓香坂

欲紅未紅楓樹枝
寥蕭涼籟襲人吹
恍疑身在耆闍窟
叅得香林拖地眉

蔚藻堂

清秋巒壑澹煙光
翰墨香生蔚藻堂
西抹東塗渾不藉
由來大塊假文章

如是室

室名如是如何是
如是室名如是何
而我竭來吟七字
今原非此昔非他

翠風埭

叢林籟作風含翠曲埭秋來葉有丹一嘯蘇門天地濶
飄飄直欲駕仙鸞

陵霞亭

亭子峰巔四望賒衣裾輕拂惹煙霞問誰倚石雲根動
散作天邊一縷斜

雨

塞山能作雲日暮馳蒼狗乍失天沕寥不辨峯前後祁

祁灑空宇霏霏沃林藪六蹕駐離宮啟我文紗牖匡床
遲寢息蘭席延俄久畿輔多望霖默禱常自咎況從京
國來所見率焦畝今年幸秋遲十日猶堪守是雨利豈
蒼聞諸田間叟賑恤澤豈溥祇恃天恩厚遑慮跋涉艱
跋涉時所有引領望闕南此際曾霑否

喀喇河屯行宮疊舊韻

重來宛憶舊卷阿列嶂攢青急雨過山鳥似迎人箇箇
野花偏對客娑娑夢猶未醒枝藏蝶篆不成文壁走螺

咫尺林泉濠濮想賦詩還道不須多

題灤陽別墅

精舍枕溪流更復背林麓尋徑披煙蘿支窓折幽竹當
秋几席清過雨花藥馥本無塵著懷自覺靜謀目興倦
欲澆書石泉亦堪掬

阪芷芳未歇崖楓色待丹颯然微風至侵我衣袂寒略
約歌斷岸野艇繫河干一段新秋景可以暫游盤

掃苔坐虛榭對山開綺䟽觸目與靜會悠然清韻俱爽

氣拂襟袖澄潭鑑眉鬚本非山中客而耽山水居把卷
對古人安羨以為徒

小金山

山色乾坤翠溪聲日夜流人間苦餘暑此地不勝秋
叢篠既森密危峰更截薛拾級青雲梯衣履若爲潔
高與灝氣俱颯共清秋爽小軒纔三楹豁然納萬象
美箭吟籟謾幽花過雨新懸厓如雉堞天與隔紅塵
此間致趣佳少許勝多許欲停九夏驂試避三庚暑

分茶臨石澗把筆就松陰山鳥一聲囀啾啾前歲音
體以良為德名擅允之美縱未渡江南知己勝揚子
出峽走銀龍肅然赴其澗欲聽太古琴更步凌空棧
鏡潭擬天池有網不能舉個中無凡鱗盡是蛟龍侶
巖藻饒古意松濤有好音拈吟誰和者山水是知心

避暑山莊作

遠樹輕嵐互吐吞迢迢清蹕駐山園當秋水態澄心會
過雨巒光靜體存如是野花呈色色于時幽室樂言言

昔恩詎待重來憶
即境重來倍憶

恩

閒齋偶啟舊書帷
昔日今時有所思
試想山容天外老
即看花影座中移
食苹野鹿穿林過
華黍香風隔嶺吹

物土耕桑今倍萬

皇祖避暑山莊詩云生理農桑
事聚民至萬家觀茲戶口日增益歎

汪濊深仁
賜良厚也

含哺都道

聖恩貽

聞京師得雨喜而有作

九夏望甘霖愁多常罪已入秋始霑潤黍禾半蘇起農
人盼兩收趁種蕎靡靡胡乃復亢陽穉苗黃欲萎我從
都城來所見率如此縱修時巡典豈似覩豐喜吾民坐
待賑不肯輕去里

去歲直隸頗有收又以有司撫恤得宜故今夏雖旱而無流離凍餒之形

以此少此情堪憫惻部例豈其是

舊例夏灾不出九月今朕時巡見有歉形

無暇待九月施賑之例矣徵租免正供平糶逮遐鄙小補庸有濟恩

膏寔所恃出關逢澤降京師卜何似喜接奏章來知渥
良田矣倚楹覺心舒傳餐識膳旨嗟嗟爾農夫錢鏹庶

堪序

雨中對瀑

塞山作雲雲滿空蒸為靈雨飛濛濛雨師谷神豈有柄
誰實司之造化功早稼益實晚苗秀高原下隰均芄茂
寂是呼鷹牧馬場至今猶識耕耘候喜雨歌餘知雨奇
耳聒目眎無不宜就中對瀑擅佳趣妙色真聲兼占之
飛泉得雨聲愈壯驟雨飛泉色相向渾似水晶宮裏遊
即之轉離惟想像

聽瀑再作

虛亭對懸厓珠簾垂我戶到此輒坐忘泉石誠太古天
公助佳景霏以清秋雨摩詰畫不得成連未及譜誰能
悟真聲共汝以耳覩

觀蓮所

擷芳倚檻暫徘徊葉是仙盤花是杯不為靈根能駐歲
稱觥曾獻

聖人來

濯清偏稱過秋霖廿二年前未解吟一段橫塘烟雨意
好教他日驗斯今

不染由來是染塵誰能拈出此花真秋風過處香盈袖
暫許詩人對碧淪

亭亭寫照鏡池寬微露承暉意未闌應是仙葩具神解
每留顏色待人看

題四面雲山亭子

四柱構峯巔松蘿作扉闥詰曲頻攀躋造極心乃豁一

覽衆山小左挹雲容活鶴唳與鹿呦饒伊相問答

山中無朝暮行漏丁丁報東峰尚夕陽西嶺已落照秋
雲淡遠天萬里縱清眺有時噫氣作于喁號萬竅而我
亦會心憑虛一長嘯

我有山水癖耽詩殊未厭此地况迴絕衆壑歸包函峰
翠經雨洗楓丹著露添掃苔坐石頭凌霧振衣衫自覺
勝前秋饒有吟髭拈

山莊雜興

地僻軒逾靜山深草亦馨風前霏亂錦窓裡罨濃青潤
挹雲霞氣真參泉石靈抽毫難得句倚柏小延停
經雨溪流漲臨秋天宇高徂雲戀峰岫爽氣逼衫袍饒
有心堪會原無暑可逃林泉愜清興舒嘯寄東臯

朝暮山容變高低眼界移能添詩者句應是畫家師馴
鹿眠烟磴殘蟬掛露枝行吟情稍倦一棹泛滄池

斷岸一徘徊寥天縱目恢雅宜伸懷抱底用舉樽壘澗
口飛虹落雲標畫障開遊觀豈可極佇待奏章來

把釣

秋湖魚鮮餌把釣意如何愛此空明景如聞欸乃歌

秋曉

塞垣朝暮寒况值中秋月山空增料峭晨涼薄肌髮白露在蘭苔輕烟霏荔埒匪盼洞庭波木葉亦微脫素心淡空宇夜氣清明發金颺復颺沓峰嵐互出沒蕭然悵襟抱極目碧天濶

清舒山館題壁

迳步烟蕪綠染鞋
芸窓小憩愛清佳
數聲仙樂泉淙磴
大塊文章花綴厓
琴在壁間渾太古
鹿來窗外識無懷
秋蟲唧唧如相訴
多少風光付薜階

秋花

秋花濯山雨
裳裳院砌邊
繽紛呈冷艷
蒙蒙霏絳烟
灑杯曉露滴
寫影午暄妍
遊蜂不知採
晚蝶時或穿
舒華爭其時
誰云畏塞寒
臨芳不忍擷
憶昔當歌筵
寂寞離宮秋
于今過廿年
是花豈無意
應博詩人憐
膽餅縱清

佳爭似枝頭鮮

秋窗夜雨

秋窓一夜雨淒其竹柏風聞淅瀝吹憶得去年今夕景
香生新桂伴吟詩

帶濕螢光暗裏流無眠支枕興悠悠征人謾賦漸漸石
多少良農慰有秋

車駕至博羅河屯肆覲四十八旗並喀爾喀青海

諸蒙古得詩八韻

爽籟揚華旂前驅駐外郵
廼田依古重肆覲以時修
文母慈暉奉

仁皇家法留日中張羽蓋
道左迂羶裘久矣皆歸化
于焉盡仰流詎予恩有逮
嘉爾職誠酬扈從馳千旅
逶迤擁六虯來同思

祖澤長此勗懷柔

曉行即景

樹色山容面面移
鳴鞭畫意鎮相隨
風沿谷口來偏速

日隔峯頭出較遲馬識塗尋剛淺渡鳥驚人向最高枝
前秋曉景分明會結習還參不即離

沈家邨

午過沈家村茅簷隱叢枳耕農六七戶長年作鄰里生
子不知書有嬾惟修簋菽粟可果腹不羨肉食鄙布棉
可禦寒豈用求錦綺覽此太古風如入桃源裏山田有
餘地歲歲修耒耜一耕而一休種歛隨時舉叶却如東
坡言富人稼多美我來秋雨過禾黍香風起高低列繡

滕有秋庶可擬風景異所經藉以稍慰喜尚聞村老言
近遠率如是金鞭不肯揚黃雲度演迤殷憂半去懷孰
非余赤子

風

著物欣含爽驅雲合放晴豈懷分別見因境愛憎生翼
翼催苗實蕭蕭助馬鳴高峰停轡處萬里向虛明

偶撫洛神賦因題

月斧曾聞八斗雄選言翩亦若驚鴻陳王不負真才子

只在尋常倫理中

爽

北地風添勁鳴條呌野原送來迎袂爽散去鬱人暄峯
翠凝雲薄林丹綴露繁驂驛森七萃翊衛列千屯切景
吟龍塞懸清愛鳥瞰烟嵐開朗處濃疊故山存

御行營作

行宮行盡御行營蒼莽秋原駐蹕清獨據地中巍廣殿
忽從天上落曾城馬尋坡草羣連絆人覓羶廬各認旌

依舊巡邊前歲景吟髭饒得幾多莖

新秋月

連日翳秋雲朦朧度哉魄今朝碧宇淨恰值上弦夕西
嶺掛銀鉤東岡映虛白隔林散疎影入水澄空跡嫦娥
作中秋益復饒光澤圓規底須盼塞景聊堪適

獵

吉日詠車攻秋原豐草中古來稱玉塞南國勝雲曹左
右賢王會驛騏我馬同傷林張雉罟跨谷列麋罟解角

風霜勁鉅鋒霹靂雄兩行成雁迤一貫總鴻綱更命開
三面羣省發五縱眼前旋起嶂耳後欲生風詎敢從心
欲多因習武功煌煌

仁祖制景仰似崆峒

塞上山

層峯高矗覺天低蔚綠縈丹霽景霞樹列周崖成鹿柴
花披亂錦點霜蹊經時幾欲忘龍塞佳處還教遲馬蹄
自古詩人多未到獨留生面待誰題

關山月四首

林中策杖雅宜騷客之招座上停杯聿稱詩人之
問況乎金秋云仲玉魄就圓值此日之龍堆益增
佳麗非昔年之雁塞惟助淒涼聊即景以拈題用
寓懷而展興體成七絕詩各一章

嶺頭月

侵人夕靄怯衣單是處川原近廣寒却似今朝東嶺上
嫦娥雙手奉金盤

平湖月

平湖淼淼望無窮
鏡樣圓規印碧空
何異洞庭微葉脫
鷗波潋灩鯉魚風

磧中月

笛裏關山牧馬嘶
秋聲秋色捻詩題
誰知此夜中庭月
曾照當年戍卒啼

羶廬月

鈴索欄邊憶桂花
垂垂金粟幾枝斜
結璘獨不孤詩約

依舊光明映綠紗

御製詩初集卷二十七